

dush nah ewh kaezhewabezeyaig ahpe ahne ishquah kezheguk.

2 Mahwunjeedeyook sah, pezindahmook dush, ke-nahwah wagwesemenaig owh Jacob; pezindahwik sah owh Israel wayoosemaig.

3 ¶ Reuben, keen sah kedowh owh nenetahmoon-zhon, nemahshkahwezewin, nindooshkenahwawene mah-shkahwezewin, nahgahnaindahgoozeyun emah ooge-mahwening, kiya nahgahnaindahgoozeyun emah kah-slikeawezewining :

4 Nebeeng azhe wahneshquazeyun, kahween kegah negahnaindahgoozese; gegenahnonzekamahwah mah ewh oonebahgun owh koos, me dush kewenetooyun, ooge nahnonzekon sah ewh nenebahgun.

5 ¶ Simeon kiya owh Levi wekahnesindewug; koo-dahgeewawene ahswewenun sah ahyahnewun emah aindahwod.

6 O'ainjehog, kagooween ezhahkain emah ooge-moodezewinewong; aindahzhe kegedowwod, kagooween tahgwenoodahwahkain, nindoogemahwewin; neshkah-dezewod mah ooge nesahwon enewh enenewun, kiya kahgonzetahmoowod ooge nesahnekahdahnahwah ewh ahsine wahkahegun.

7 Kahgwahneshugaindahgwahdeneh sah ewh oonesh-kahdezewinewah, kemahshkahwezemahgahdeneh mah; kiya ewh oowesahgegedahzoowinewah, kegoodahgeewamahgahdeneh mah : ningah mahdahoong sah emah Jacob, kiya ningah zahswaog emah Israeling.

8 ¶ Judah, keen sah kedowh kaoogemahwanemekig egewh kekahneshug : kegahzahgegwanog sah egewh shonganemekig; koos sah oonejahnesun kegah ahnahmekahgoog emah anahsahmabbeyun.

9 Meshebezhe oomonezheensemun sah owh Judah : emah sah kahdahnahpenahdahmahdezooyun ningwisa kegeoonje goope : kezahgahshketah sah, azhe koo zahgahshketod owh meshebezhe; wanainan dush e-newh kabahzegwindenegooin?

10 Kahween oogah wahnetooseen owh Judah ewh